

OPĆA UPUTSTVA

Vašem podu od drveta, potrebna je odgovarajuća njega, i održavanje. Za čišćenje prljavštine, kao što je npr. pijesak, koristite usisivač sa mekanim nastavkom, mekanu metlu, ili krpu. Na ulaze stavite kvalitetan otirač koji sprječava unos pijeska na parket.

Na nogare namještaja stavite zaštitne podmetače od filca, čime sprječavate nastanak ogrebotina. Ne premještajte namještaj tako da ga vučete, već ga podignite, i premjestite.

U slučaju prosipanja vode, ili drugih tekućina, odmah obrišite. Mrlje od kave, crnog vina, ili kečapa, uklonite odmah, jer mogu ostaviti trajne posljedice. Za uklanjanje tvrdokornih mrlja, posavjetujte se sa svojim prodavačem parketa.

Ukoliko je pod jako prljav, treba ga očisti ručno, vlažnom krpom. Ne koristite mokru krpu, sa koje se cijedi voda, jer tako mogu nastati oštećenja na drvetu (drvena podna obloga može nabubriti). Također nije dozvoljeno korištenje usisivača na vodu.

Važan uvjet za dug životni vijek drvenih podnih obloga, je ugodna klima u prostoriji, sa temperaturom od približno 20°C, i relativnom vlažnošću zraka od 50% do 60%. Spomenute uvjete možete pratiti pomoću elektronskog mjerača vlage ili kućne meteorološke stanice (iznimno je važno u vrijeme sezone grijanja). Optimalnu relativnu vlažnost zraka, moguće je održavati pomoću električnih ovlaživača zraka.

Kod većih staklenih površina, treba izbjegavati direktnu sunčevu svjetlost (obavezna zaštita od sunca).

LAKIRANE POVRŠINE

Nakon ugradnje, lakirane površine očistiti, sredstvom za čišćenje lakiranih površina. Može biti u vidu koncentrata, koji se razrjeđuje vodom (pratite upute), a još jednostavnija su sredstva za čišćenje, sa raspršivačem, jer su već razrijeđena. Pod treba biti dobro usisan, kako bi se uklonile čvrste nečistoće. Meku krpu navlažiti, i čistiti u oba smjera.

Parket možete dodatno zaštititi sredstvom za njegu parketa koje sadrži određeni postotak laka. Nakon prve impregnacije koristi se i kasnije (1-2 x godišnje) jer se na taj način osvježava lak i prekrivaju sitne ogrebotine. Nekoliko sati nakon nanošenja, po podu ne treba hodati. Pridržavajte se uputstva prodavača.

Za uporne mrlje posavjetujte se sa stručnjakom, u vezi sa primjenom različitih sredstava za čišćenje specifičnih mrlja.

Ne koristite sredstva koja sadrže vosak. Ne čistite mlazom vode.

Kada se na parketu pojavi veća pohabanost laka, lak izbrusite i ponovo prelakirajte parket. Ukoliko je lak već sasvim nestao sa površine, parket se teško može lijepo obnoviti. Ponovno brušenje i lakiranje prepustite stručnjaku, odnosno parketaru.

ULJENE POVRŠINE

Za uljene parketa koriste se ulja koja ističu prirodan izgled drveta, i povećavaju njegovu otpornost na habanje, prljavštinu i vlagu.

Odmah nakon završenog postavljanja parketa, parket očistite sredstvom za čišćenje uljenih površina. Na taj način površinu štitite od prljavštine, a pod je dodatno zaštićen. Za pravilno korištenje pratite uputstva koja važe za sredstvo za čišćenje koje koristite. Opće uputstvo je da pod treba prvo usisati, odnosno dobro očistiti. Zatim sredstvo za čišćenje pomiješajte u odgovarajućem omjeru sa vodom (pratite uputstva). Mekom krpom umočite u rastvor nanesite sredstvo za čišćenje na drveni pod. Voda ne smije kapati sa krpe.

Kod većih površina koristite dvije kante. U jednoj neka bude voda pomiješana sa sredstvom za čišćenje, a u drugoj čista voda u kojoj dodatno ispirate krpu. Krpu uvijek prvo isperite u čistoj vodi, a tek onda je umočite u vodu sa sredstvom za čišćenje. Nakon toga nemojte dodatno čistiti krpom koja je namočena čistom vodom, jer biste na taj način isprali zaštitni sloj. Ostavite nekoliko minuta da dobro upije, a onda obrišite pod suhom krpom, u pravcu vlakana drveta.

I kasnije pod redovno održavajte sredstvom za čišćenje uljenih površina. Na početku neka to bude jednom tjedno odnosno u zavisnosti od korištenje poda procijenite koliko zahtjeva njegu, ali ne manje od jednom mjesečno. Nakon svakog čišćenja sredstvom za čišćenje uljenih površina, vaš pod će se manje prljati.

Nakon završenog uobičajenog „vlažnog“ čišćenja, tvrdokornije mrlje možete ukloniti sa nekoliko kapi koncentrata sredstva za čišćenje, koje nanesete direktno na mrlju. Ostavite da djeluje oko 5 minuta, i pod ponovo očistite uobičajenom mješavinom za čišćenje (voda sredstvo za čišćenje).

Uljene površine povremeno treba osvježavati uljem za održavanje uljenih površina. Površine sa kojih je uslijed habanja nestao zaštitni sloj, primjenom ovakvog ulja ponovo dobiju lijep izgled. U zavisnosti od natur, ili bijele uljene površine, koristite odgovarajuće ulje (natur ili bijelo).

Prije nanošenja ulja pod se mora detaljno očisti. Za uklanjanje ostataka sredstva za čišćenje, očistite pod intenzivnim sredstvom za čišćenje. Zatim počnite sa nanošenjem ulja. Ne odgađajte uljene toliko dugo, da pod ostane potpuno bez zaštitnog sloja i pohaban, jer tako gubi dobar izgled, koji se kasnije ne može u potpunosti vratiti.

Prilikom nanošenja ulja temperatura mora biti između 16°C i 20°C.

Malo ulja nanosite na pod i ravnomjerno raspodijelite pomoću mašine za poliranje sa odgovarajućim filcem, odnosno ručno pamučnom krpom. Ostavite da djeluje 10 do 15 minuta. Ukoliko cijela površina nije dobro natopljena, ponovite postupak. Svaki višak ulja uklonite sa poda pomoću krpe. Kako biste nanijeli pravu količinu ulja, preporučujemo korištenje raspršivača, za nanošenje ulja.

Nakon sat vremena pod ručno ispolirajte odnosno, ukoliko želite postići bolji rezultat, mašinom za poliranje (150 obrtaja u minuti) sa bijelim, ili crvenim filcem. Uglove i ostale teško dostupne dijelove ispolirajte ručno. Polirajte, dok površina ne bude suha. Posljednje poliranje mora biti, u pravcu vlakana drveta.

Upozorenje: opasnost od samozapaljenja. Krpe natopljene uljem trebaju se isprati vodom odmah nakon završenog posla, i osušiti na zraku.

Pod nakon završene obrade treba sušiti najmanje 24 sata, prije nego što se može po njemu hodati. Ulje se stvrdnjava narednih tjedan dana, i tada treba biti oprezan, prilikom premještanja teških stvari.

Za dodatnu zaštitu od prljavštine potrebno je nakon 7 dana površinu obraditi još, i sredstvom za čišćenje.

Ne koristite krpe koje sadrže mikrovlakna. Vaš pod u suprotnom može postati grub, te se može brže prljati. Koristite samo krpe od prirodnih vlakana poput pamuka, ili filca.